



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ**  
**ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՁՆԱԺՈՂՈՎԻ**  
**ԳԼԽԱՎՈՐ ՔԱՐՏՈՒՐԱՐ**

Հայաստանի Հանրապետություն, 0010, ք. Երևան, Տիգրան Մեծի 4, հեռ.՝ (+374 60) 830 840, (+374 60) 830 850

Էլ-փոստ՝ [info@competition.am](mailto:info@competition.am), վեբ կայք՝ <http://www.competition.am>

« 07 » 06 2023 թ.

No 004984

**«ՆԱՏՈՒՌԱԼ ՖՈՒԴՍ» ՍԱՀՄԱՆԱՓԱԿ**  
**ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ ՏՆՕՐԵՆ**  
**ՊԱՐՈՆ ԱՐՏՈՒՇ ԳԱԼՍՏՅԱՆԻՆ**

(հասցե՝ ք. Երևան, Արաբկիր, Հակոբ Հակոբյան, 10/57,  
պատճենը՝ ք. Երևան, Նոր Նորք, Վիլյուսի 63 շենք, 32 բն.,  
պատճենը՝ ք. Երևան, Ավան թղմ., Երևան-Սևան մայրուղի 1/2,  
պատճենը՝ ք. Երևան, Ավան թղմ., Աճառյան 82)

Հարգելի՛ պարոն Գալստյան,

Մրցակցության պաշտպանության հանձնաժողովը (այսուհետ նաև՝ **Հանձնաժողով**) 2023 թվականի հունիսի 6-ին ընդունել է ««Նատուռալ ֆուդս» սահմանափակ պատասխանատվությամբ ընկերության նկատմամբ պատասխանատվության միջոց կիրառելու մասին» թիվ 258-Ա որոշումը (այսուհետ նաև՝ **թիվ 258-Ա որոշում**), որի 2-րդ կետով «Նատուռալ ֆուդս» սահմանափակ պատասխանատվությամբ ընկերության (այսուհետ նաև՝ **Ընկերություն**) նկատմամբ նշանակվել է 2 500 000 (երկու միլիոն հինգ հարյուր հազար) ՀՀ դրամի չափով տուգանք:

Ընկերությանը թիվ 258-Ա որոշման 3-րդ կետով հանձնարարվել է.

1) 5 (հինգ) աշխատանքային օրվա ընթացքում շտկել օրենքի խախտումը՝ դադարեցնել բոլոր եղանակներով «ԳՐՏՆԱԿ» բառը պարունակող ապրանքային նշանի օգտագործումը.

2) սույն կետի 1-ին ենթակետով նախատեսված հանձնարարությունը կատարելուց հետո այդ մասին երեք աշխատանքային օրվա ընթացքում տեղեկացնել Հանձնաժողովին՝ ներկայացնելով հիմնավորող ապացույցներ:

Միաժամանակ տեղեկացնում ենք, որ.

1. Թիվ 258-Ա որոշմամբ նշանակված տուգանքը ենթակա է վճարման Հանձնաժողովի 900005024147 հաշվեհամարին:

2. Թիվ 258-Ա որոշմամբ նշանակված տուգանքի 75 տոկոսը որոշման ուժի մեջ մտնելուց հետո՝ երկամսյա ժամկետում, վճարելու դեպքում տուգանքի վճարման պարտականությունը համարվում է պատշաճ կատարված:

3. Թիվ 258-Ա որոշման 2-րդ կետը դրանով նշանակված տուգանքը մինչև թիվ 258-Ա որոշման անբողոքարկելի դառնալը չվճարվելու դեպքում ենթակա է հարկադիր կատարման՝ «Դատական ակտերի հարկադիր կատարման մասին» օրենքով սահմանված կարգով:

4. Թիվ 258-Ա որոշման 3-րդ կետի 1-ին ենթակետով տրված հանձնարարությունը սահմանված ժամկետում կամովին չկատարվելու դեպքում ենթակա է հարկադիր կատարման՝ «Դատական ակտերի հարկադիր կատարման մասին» օրենքով սահմանված կարգով, ինչպես նաև հանձնարարությունները սահմանված ժամկետում չկատարելու համար օրենքով նախատեսված է պատասխանատվություն: Մասնավորապես, «Տնտեսական մրցակցության պաշտպանության մասին» օրենքի 93-րդ հոդվածի 12-րդ մասի համաձայն՝ տնտեսավարող սուբյեկտի կողմից Հանձնաժողովի որոշմամբ ամրագրված խախտումները սահմանված ժամկետում չդադարեցվելու կամ չշտկվելու կամ որոշմամբ նախատեսված պայմանները, պարտավորությունները կամ հանձնարարությունները սահմանված ժամկետում չկատարվելու համար նշանակվող տուգանքի չափը կազմում է մինչև հինգ միլիոն դրամ: Ընդ որում, թիվ 258-Ա որոշման բողոքարկումը չի կասեցնում դրանով տրված հանձնարարությունների կատարումը կամ դրանց կատարման ժամկետը:

5. Հանձնաժողով փաստաթղթեր ներկայացնել և ստանալ, ինչպես նաև Հանձնաժողովի հետ հետագա ողջ հաղորդակցությունը կարող եք իրականացնել նաև առցանց՝ Հանձնաժողովի e-Compete էլեկտրոնային համակարգի (այսուհետ նաև՝ **Համակարգ**) միջոցով, որի համար անհրաժեշտ է գրանցվել Համակարգում՝ մուտք գործելով Հանձնաժողովի պաշտոնական կայքի ([www.competition.am](http://www.competition.am)) «Իմ էջը» բաժին, ընտրելով «Գրանցվել» հրամանը և լրացնելով անձի նույնականացման համար պահանջվող տվյալները:

Կից ուղարկվում է թիվ 258-Ա որոշման պատճենը:

Առդիր՝ «9» թերթ:

ՀԱՐԳԱՆՔՈՎ՝

ԱՇՈՏ ՎԱՀԱՆՅԱՆ



## ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎ

### Ո Ր Ո Շ ՈՒ Մ

6 հունիսի 2023 թվականի թիվ 258-Ա

#### «ՆԱՏՈՒՈՒԱԼ ՖՈՒԴՍ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ ՆԿԱՏՄԱՄԲ ՊԱՏԱՍԽԱՆԱՏՎՈՒԹՅԱՆ ՄԻՋՈՑ ԿԻՐԱՌԵԼՈՒ ՄԱՍԻՆ

Մրցակցության պաշտպանության հանձնաժողովը (այսուհետ նաև՝ **Հանձնաժողով**) 2023 թվականի հունիսի 6-ի նիստում, քննարկելով «Նատուռալ ֆուդս» սահմանափակ պատասխանատվությամբ ընկերության (այսուհետ նաև՝ **Ընկերություն**) նկատմամբ պատասխանատվության միջոց կիրառելու մասին հարցը,

### Պ Ա Ր Զ Ե Ց

#### **1. Վարույթի ընթացքի հակիրճ նկարագրությունը.**

Հանձնաժողովը 2023 թվականի ապրիլի 25-ի ««Նատուռալ ֆուդս» սահմանափակ պատասխանատվությամբ ընկերության կողմից տնտեսական մրցակցության բնագավառում իրավախախտման վերաբերյալ վարույթ հարուցելու մասին» թիվ 191-Ա որոշմամբ (այսուհետ նաև՝ **թիվ 191-Ա որոշում**) հարուցել է թիվ ՀԳ-01542/23 վարույթը (այսուհետ նաև՝ **Վարույթ**):

Թիվ 191-Ա որոշումը 2023 թվականի ապրիլի 26-ին ուղարկվել է Ընկերության իրավաբանական և գործունեության հասցեներով, որը ետ է վերադարձվել համապատասխանաբար «Անհայտ» և «Թերի հասցե» նշումներով:

Թիվ 191-Ա որոշումը 2023 թվականի ապրիլի 26-ին ուղարկվել է Ընկերության տնօրենի հասցեով, որը ստացվել է 2023 թվականի ապրիլի 28-ին:

Թիվ 191-Ա որոշումը 2023 թվականի մայիսի 11-ին հրապարակվել է <https://www.azdarar.am/> և Հանձնաժողովի պաշտոնական (<http://competition.am>) կայքերում, և այն հանձնված է համարվել 2023 թվականի մայիսի 16-ին:

#### **2. Վարույթի հարուցման առիթի և հիմքի հակիրճ նկարագրությունը.**

Միջայել Ռաֆայելի Գյուլասարյանը և «Գրտնակ» սահմանափակ պատասխանատվությամբ ընկերությունը 2023 թվականի ապրիլի 18-ին Հանձնաժողով են ներկայացրել գրություն (այսուհետ նաև՝ **Հաղորդում**)՝ հայտնելով, որ Ընկերությունը

շարունակում է «ԳՐՏՆԱԿ թոնրատուն» ապրանքային նշանի օգտագործումն ինչպես ք. Երևան, Աճառյան 82 հասցեում գործող առևտրի օբյեկտում, այնպես էլ «Գրտնակ Թոնրատուն» ֆեյսբուքյան էջի միջոցով՝ կցելով լուսանկարներ:

Վարույթը հարուցվել է Ընկերության կողմից Հանձնաժողովի 2023 թվականի փետրվարի 28-ի ««Նատուռալ Ֆուդս» սահմանափակ պատասխանատվությամբ ընկերության նկատմամբ պատասխանատվության միջոց կիրառելու մասին» թիվ 101-Ա որոշմամբ (այսուհետ նաև՝ **թիվ 101-Ա որոշում**) տրված հանձնարարության չկատարմամբ «Տնտեսական մրցակցության պաշտպանության մասին» օրենքի (այսուհետ նաև՝ **Օրենք**) խախտման հատկանիշների առերևույթ առկայության հիմքով:

### **3. Ընկերության դիրքորոշումը.**

Ընկերությունը Վարույթի վերաբերյալ դիրքորոշում չի ներկայացրել:

### **4. Հանձնաժողովի կողմից պահանջված և ստացված փաստաթղթերը և այլ տեղեկատվությունը.**

1) Հանձնաժողովի նախագահի 2023 թվականի ապրիլի 19-ի «Արտաքին դիտում իրականացնելու մասին» թիվ 49-Ա հրամանի հիման վրա «Գրտնակ Թոնրատուն» անվանումով ֆեյսբուքյան և ինստագրամյան էջերում իրականացվել է արտաքին դիտում, որի արդյունքում 2023 թվականի ապրիլի 20-ին կազմվել է թիվ 49 արձանագրությունը:

Թիվ 49 արձանագրության համաձայն՝ «Գրտնակ Թոնրատուն» անվանումով ֆեյսբուքյան և ինստագրամյան էջերում օգտագործվում է «Գրտնակ» բառը պարունակող ապրանքային նշանը:

2) Հանձնաժողովի նախագահի 2023 թվականի մայիսի 31-ի «Արտաքին դիտում իրականացնելու մասին» թիվ 73-Ա հրամանի հիման վրա Ավան թղմ., Երևան-Սևան մայրուղու 1/2 հասցեում իրականացվել է արտաքին դիտում, որի արդյունքում 2023 թվականի հունիսի 1-ին կազմվել է թիվ 73 արձանագրությունը (այսուհետ նաև՝ **թիվ 73 արձանագրություն**):

Թիվ 73 արձանագրության համաձայն՝ Ավան թղմ., Երևան-Սևան մայրուղու 1/2 հասցեում գործող առևտրի օբյեկտի աջ կողմնային և դիմային հատվածներում փակցված են «ԳՐՏՆԱԿ թոնրատուն» բառերը պարունակող գովազդային վահանակներ:

3) Հանձնաժողովի անբողոքարկելի դարձած թիվ 101-Ա որոշմամբ Ընկերության կողմից 2022 թվականի սեպտեմբերի 28-ի ««Նատուռալ Ֆուդս» սահմանափակ պատասխանատվությամբ ընկերության նկատմամբ պատասխանատվության միջոց կիրառելու մասին» թիվ 349-Ա որոշման (այսուհետ նաև՝ **թիվ 349-Ա որոշում**) 3-րդ կետի 1-ին ենթակետով տրված հանձնարարությունը չկատարելը որակվել է որպես Օրենքի խախտում, որի համար Ընկերության նկատմամբ նշանակել 2 500 000 (երկու միլիոն հինգ հարյուր հազար) ՀՀ դրամի չափով տուգանք:

4) Հանձնաժողովի իրավաբանական վարչության մոտ առկա՝ Հարկադիր կատարումն ապահովող ծառայության 2022 թվականի դեկտեմբերի 23-ի «Կատարողական վարույթ հարուցելու մասին» թիվ 09889923 որոշմամբ հարուցված վարույթին առնչվող նյութերը, Ընկերության կողմից թիվ 101-Ա որոշումն անվավեր ճանաչելու մասին Վարչական դատարանին ներկայացված հայցադիմումը և Վարչական դատարանի 2023 թվականի փետրվարի 7-ի «Հայցադիմումի ընդունումը մերժելու մասին» որոշումը 2023

թվականի փետրվարի 23-ի թիվ 1667 զեկուցագրով փոխանցվել է Հանձնաժողովի անբարեխիղճ մրցակցության վերահսկողության վարչությանը:

5) Թիվ ՀԳ-3620/22 վարույթում առկա վերաբերելի նյութերը Հանձնաժողովի անբարեխիղճ մրցակցության վերահսկողության վարչության 2023 թվականի մայիսի 29-ի թիվ 4662 զեկուցագրի համաձայն՝ կցվել են Վարույթին:

6) Հանձնաժողովի իրավաբանական վարչության մոտ առկա՝ թիվ 349-Ա և թիվ 101-Ա որոշումների կատարման ապահովմանն ուղղված գործողությունների վերաբերյալ նյութերը 2023 թվականի հունիսի 5-ի թիվ 4879 զեկուցագրով փոխանցվել են Հանձնաժողովի անբարեխիղճ մրցակցության վերահսկողության վարչությանը:

7) Հանձնաժողովի գլխավոր քարտուղարի 2023 թվականի փետրվարի 13-ի թիվ ԱՎ/124-2023 գրությամբ (այսուհետ նաև՝ **Գրություն**) Հանձնաժողովը ՊԵԿ-ին խնդրել է հայտնել, թե արդյոք 2022 թվականի հուլիսի 8-ի դրությամբ Գոռ Գևորգյանը Ընկերությանը պատկանող՝ ք. Երևան, Ավան թղմ., Երևան-Սևան մայրուղի 1/2 հասցեում գործող «Գրտնակ Թոնրատուն» անվանումով առևտրի օբյեկտում ունեցել է աշխատողի կարգավիճակ, եթե ոչ, ապա աշխատողին չգրանցելու համար Ընկերությանը պատասխանատվության ենթարկելու առնչությամբ ձեռնարկել համապատասխան միջոցներ և արդյունքների մասին հայտնել Հանձնաժողովին:

ՊԵԿ-ը, ի պատասխան Գրության, 2023 թվականի ապրիլի 10-ին Հանձնաժողով ներկայացված գրությամբ, ի թիվս այլնի, հայտնել է, որ Ընկերությունում արձանագրվել է օրենսդրությամբ չձևակերպված 1 /մեկ/ վարձու աշխատող և առաջադրվել է տուգանք:

**5. Գործի բազմակողմանի, լրիվ և օբյեկտիվ քննարկման արդյունքում Հանձնաժողովը հաստատված է համարում հետևյալ փաստական հանգամանքները.**

1. Հանձնաժողովը թիվ 349-Ա որոշմամբ Ընկերության նկատմամբ կիրառել է պատասխանատվության միջոց և 3-րդ կետով Ընկերությանը հանձնարարել է.

1) 10 (տասը) աշխատանքային օրվա ընթացքում շտկել Օրենքի խախտումը՝ դադարեցնել բոլոր եղանակներով «ԳՐՏՆԱԿ» բառը պարունակող ապրանքային նշանի օգտագործումը.

2) սույն կետի 1-ին ենթակետով նախատեսված հանձնարարությունը կատարելուց հետո երեք աշխատանքային օրվա ընթացքում տեղեկացնել Հանձնաժողովին՝ ներկայացնելով հիմնավորող ապացույցներ:

2. Թիվ 349-Ա որոշումն ուժի մեջ է մտել 2022 թվականի նոյեմբերի 15-ին, հետևաբար Ընկերությունը թիվ 349-Ա որոշմամբ տրված հանձնարարությունը պարտավոր էր կատարել մինչև 2022 թվականի նոյեմբերի 29-ը ներառյալ և մինչև 2022 թվականի դեկտեմբերի 2-ը տեղեկացնել Հանձնաժողովին՝ ներկայացնելով հիմնավորող ապացույցներ:

3. Թիվ 349-Ա որոշումը 2023 թվականի հունվարի 15-ին դարձել է անբողբարկելի:

4. Հանձնաժողովի նախագահի 2022 թվականի դեկտեմբերի 21-ի թիվ 8330 գրությամբ Հանձնաժողովը դիմել է Հարկադիր կատարումն ապահովող ծառայությանը՝ խնդրելով ապահովել թիվ 349-Ա որոշման 3-րդ կետի 1-ին ենթակետով տրված հանձնարարության կատարումը, որի հիման վրա հարուցված թիվ 09889923 կատարողական վարույթի շրջանակներում թիվ 349-Ա որոշման 3-րդ կետի 1-ին

ենթակետով տրված հանձնարարության կատարման վերաբերյալ տվյալներ դեռևս առկա չեն:

5. Հանձնաժողովը թիվ 101-Ա որոշմամբ Ընկերության նկատմամբ կիրառել է պատասխանատվության միջոց և 3-րդ կետով Ընկերությանը հանձնարարել է.

1) 5 (հինգ) աշխատանքային օրվա ընթացքում շտկել Օրենքի խախտումը՝ դադարեցնել բոլոր եղանակներով «ԳՐՏՆԱԿ» բառը պարունակող ապրանքային նշանի օգտագործումը.

2) սույն կետի 1-ին ենթակետով նախատեսված հանձնարարությունը կատարելուց հետո երեք աշխատանքային օրվա ընթացքում տեղեկացնել Հանձնաժողովին՝ ներկայացնելով հիմնավորող ապացույցներ:

6. Թիվ 101-Ա որոշումն ուժի մեջ է մտել 2023 թվականի մարտի 31-ին, հետևաբար Ընկերությունը թիվ 101-Ա որոշմամբ տրված հանձնարարությունը պարտավոր էր կատարել մինչև 2023 թվականի ապրիլի 7-ը ներառյալ և մինչև 2023 թվականի ապրիլի 12-ը տեղեկացնել Հանձնաժողովին՝ ներկայացնելով հիմնավորող ապացույցներ:

7. Թիվ 101-Ա որոշումը 2023 թվականի մայիսի 31-ին դարձել է անբողոքարկելի:

8. Հանձնաժողովի նախագահի 2023 թվականի ապրիլի 18-ի թիվ 3358 գրությամբ Հանձնաժողովը դիմել է Հարկադիր կատարումն ապահովող ծառայությանը՝ խնդրելով ապահովել թիվ 101-Ա որոշման 3-րդ կետի 1-ին ենթակետով տրված հանձնարարության կատարումը, որի հիման վրա հարուցված թիվ 10621622 կատարողական վարույթի շրջանակներում թիվ 101-Ա որոշման 3-րդ կետի 1-ին ենթակետով տրված հանձնարարության կատարման վերաբերյալ տվյալներ դեռևս առկա չեն:

9. 2023 թվականի ապրիլի 20-ի դրությամբ Ընկերությանը պատկանող «Գրտնակ Թոնրատուն» անվանումով ֆեյսբուքյան և ինստագրամյան էջերում, իսկ 2023 թվականի հունիսի 1-ի դրությամբ Ավան թղմ., Երևան-Սևան մայրուղու 1/2 հասցեում գործող առևտրի օբյեկտում շարունակվում է շարունակվում է «Գրտնակ» բառը պարունակող ապրանքային նշանի օգտագործումը: Ավելին, ՊԵԿ-ի կողմից տրամադրված տեղեկատվության համաձայն՝ 2023 թվականի ապրիլի 19-ին ք. Երևան, Երևան-Սևան մայրուղի 1/2 հասցեում գործող «Գրտնակ Թոնրատուն» անվանումով առևտրի օբյեկտում գործունեություն իրականացնող Ընկերությունում իրականացվել է ուսումնասիրություն, որի արդյունքում ՊԵԿ-ի կողմից արձանագրվել է օրենսդրությամբ չձևակերպված 1 /մեկ/ վարձու աշխատող և 2023 թվականի ապրիլի 19-ի թիվ 4181995 ակտով Ընկերությանն առաջադրվել է տուգանք:

10. Ընկերության կողմից թիվ ՎԴ/0183/05/23, թիվ ՎԴ/0993/05/23, թիվ ՎԴ/2042/05/23 և թիվ ՎԴ/3330/05/23 վարչական գործերով որպես Ընկերության հասցե նշվել է Ընկերության տնօրենի հասցեն և Ընկերությունը թիվ 101-Ա որոշումը ստացել է տվյալ հասցեով:

**6. Վարույթի փաստական հանգամանքների և վերաբերելի իրավական նորմերի ուսումնասիրության և վերլուծության արդյունքում Հանձնաժողովը եզրահանգում է հետևյալին.**

**1) Ընկերության կողմից իրավախախտում կատարված լինելու հարցի կապակցությամբ.**

Օրենքի 99-րդ հոդվածի 1-ին կետի համաձայն՝ Հանձնաժողովի որոշումները, դրանցում սահմանված պայմանները, պարտավորությունները և տրված հանձնարարությունները պարտադիր են դրանց հասցեատերերի համար և ենթակա են կատարման Հայաստանի Հանրապետության ամբողջ տարածքում:

Օրենքի 101-րդ հոդվածի 1-ին մասի համաձայն՝ Հանձնաժողովի որոշմամբ սահմանված պայմանները, նախատեսված պարտավորությունները և տրված հանձնարարությունները որոշումն ուժի մեջ մտնելու օրվանից ենթակա են անհապաղ, սակայն ոչ ուշ, քան որոշման մեջ սահմանված ժամկետում կատարման, և որոշման բողոքարկումը չի կասեցնում որոշման գործողությունը կամ կատարումը:

Օրենքի վկայակոչված իրավադրույթների բովանդակային և վերլուծությունից հետևում է, որ Հանձնաժողովն իրավունք ունի տնտեսավարող սուբյեկտին հանձնարարել շտկելու Օրենքի խախտումը՝ սահմանելով հանձնարարության կատարման ժամկետ, իսկ տնտեսավարող սուբյեկտը պարտավոր է կատարել Հանձնաժողովի հանձնարարությունը՝ դրանում նշված ժամկետում:

Սույն գործի փաստերի համաձայն.

1. Հանձնաժողովը թիվ 101-Ա որոշմամբ Ընկերության նկատմամբ կիրառել է պատասխանատվության միջոց և 3-րդ կետով Ընկերությանը հանձնարարել է.

1) 5 (հինգ) աշխատանքային օրվա ընթացքում շտկել Օրենքի խախտումը՝ դադարեցնել բոլոր եղանակներով «ԳՐՏՆԱԿ» բառը պարունակող ապրանքային նշանի օգտագործումը.

2) սույն կետի 1-ին ենթակետով նախատեսված հանձնարարությունը կատարելուց հետո երեք աշխատանքային օրվա ընթացքում տեղեկացնել Հանձնաժողովին՝ ներկայացնելով հիմնավորող ապացույցներ:

2. Թիվ 101-Ա որոշումն ուժի մեջ է մտել 2023 թվականի մարտի 31-ին, հետևաբար Ընկերությունը թիվ 101-Ա որոշմամբ տրված հանձնարարությունը պարտավոր էր կատարել մինչև 2023 թվականի ապրիլի 7-ը ներառյալ և մինչև 2023 թվականի ապրիլի 12-ը տեղեկացնել Հանձնաժողովին՝ ներկայացնելով հիմնավորող ապացույցներ:

3. Թիվ 101-Ա որոշումը 2023 թվականի մայիսի 31-ին դարձել է անբողոքարկելի:

4. Հանձնաժողովի նախագահի 2023 թվականի ապրիլի 18-ի թիվ 3358 գրությամբ Հանձնաժողովը դիմել է Հարկադիր կատարումն ապահովող ծառայությանը՝ խնդրելով ապահովել թիվ 101-Ա որոշման 3-րդ կետի 1-ին ենթակետով տրված հանձնարարության կատարումը, որի հիման վրա հարուցված թիվ 10621622 կատարողական վարույթի շրջանակներում թիվ 101-Ա որոշման 3-րդ կետի 1-ին ենթակետով տրված հանձնարարության կատարման վերաբերյալ տվյալներ դեռևս առկա չեն:

5. 2023 թվականի ապրիլի 20-ի դրությամբ Ընկերությանը պատկանող «Գրտնակ Թոնրատուն» անվանումով ֆեյսբուքյան և ինստագրամյան էջերում, իսկ 2023 թվականի հունիսի 1-ի դրությամբ Ավան թղմ., Երևան-Սևան մայրուղու 1/2 հասցեում գործող առևտրի օբյեկտում շարունակվում է շարունակվում է «Գրտնակ» բառը պարունակող ապրանքային նշանի օգտագործումը: Ավելին, ՊԵԿ-ի կողմից տրամադրված տեղեկատվության համաձայն՝ 2023 թվականի ապրիլի 19-ին ք. Երևան, Երևան-Սևան մայրուղի 1/2 հասցեում գործող «Գրտնակ Թոնրատուն» անվանումով առևտրի օբյեկտում գործունեություն իրականացնող Ընկերությունում իրականացվել է ուսումնասիրություն, որի արդյունքում ՊԵԿ-ի կողմից արձանագրվել է օրենսդրությամբ չձևակերպված 1 /մեկ/ վարձու աշխատող

և 2023 թվականի ապրիլի 19-ի թիվ 4181995 ակտով Ընկերությանն առաջադրվել է տուգանք:

Հաշվի առնելով վերագրյալը՝ Հանձնաժողովն արձանագրում է, որ Ընկերության կողմից թիվ 101-Ա որոշման 3-րդ կետի 1-ին ենթակետով տրված հանձնարարությունը չկատարելը պարունակում է Օրենքի խախտման հատկանիշներ, որի կապակցությամբ օրենսդրությամբ նախատեսված է իրավական հետևանք՝ պատասխանատվության միջոցի կիրառում:

**2) Ընկերության նկատմամբ պատասխանատվության միջոց կիրառելու հարցի կապակցությամբ.**

Օրենքի 92-րդ հոդվածի համաձայն՝ տնտեսական մրցակցության բնագավառում իրավախախտման համար Հանձնաժողովն իրավասու է տնտեսավարող սուբյեկտներին, պետական մարմիններին և դրանց պաշտոնատար անձանց տալու նախազգուշացում կամ նշանակելու տուգանք:

Օրենքի 93-րդ հոդվածի 12-րդ մասի համաձայն՝ տնտեսավարող սուբյեկտի կողմից Հանձնաժողովի որոշմամբ ամրագրված խախտումները սահմանված ժամկետում չդադարեցվելու կամ չջտկվելու կամ որոշմամբ նախատեսված պայմանները, պարտավորությունները կամ հանձնարարությունները սահմանված ժամկետում չկատարվելու համար նշանակվող տուգանքի չափը կազմում է մինչև հինգ միլիոն դրամ:

Օրենքի 94-րդ հոդվածի 1-ին մասի համաձայն՝ պատասխանատվության միջոց կիրառելիս Հանձնաժողովը հաշվի է առնում տվյալ իրավախախտման բնույթը, տևողությունը, իրավախախտման հնարավոր կամ փաստացի ազդեցությունը շուկայում մրցակցային իրավիճակի կամ սպառողների շահերի վրա, տնտեսավարող սուբյեկտի կողմից տվյալ խախտման կրկնակիությունը, եթե նախորդ խախտման համար պատասխանատվության միջոց կիրառելու օրվանից չի անցել հինգ տարի, տնտեսավարող սուբյեկտի դիտավորության աստիճանը, տնտեսավարող սուբյեկտի կողմից իրավախախտում կատարվելու շարժառիթները և հանգամանքները, տնտեսավարող սուբյեկտի կողմից իրավախախտում կատարվելու փաստն ընդունելու կամ Հանձնաժողովի հետ համագործակցելու հանգամանքը, պատասխանատվությունից ազատելու հիմքերը, տնտեսավարող սուբյեկտի վրա նշանակվող տուգանքի հնարավոր ազդեցությունը, տվյալ տնտեսավարող սուբյեկտի գործունեության ոլորտը և տնտեսավարող սուբյեկտի պատմությունը:

Հանձնաժողովի 2021 թվականի դեկտեմբերի 28-ի «Պատասխանատվության միջոցի ընտրության և տուգանքի հաշվարկման մեթոդաբանությունը սահմանելու մասին» թիվ 395-Ն որոշմամբ (այսուհետ նաև՝ **թիվ 395-Ն որոշում**) սահմանված պատասխանատվության միջոցի ընտրության և տուգանքի հաշվարկման մեթոդաբանության (այսուհետ նաև՝ **Մեթոդաբանություն**) 9-րդ կետի համաձայն՝ տուգանքը հաշվարկում է հետևյալ բանաձևով.

$$S = P + P \times (D - U)$$

Որտեղ՝

S-տուգանքի չափ,

P-տուգանքի բազային գումար,

D-ծանրացնող բոլոր հանգամանքների համար սահմանված տոկոսների հանրագումար,

Մ-մեղմացնող բոլոր հանգամանքների համար սահմանված տոկոսների հանրագումարն:

**Քաղախն գումարի հաշվարկը.**

Մեթոդաբանության 9-րդ կետի 4-րդ ենթակետի «դ» պարբերության համաձայն՝ չորրորդ խումբ իրավախախտումների դեպքում կիրառվող մեթոդը վերաբերում է Հանձնաժողովի որոշմամբ ամրագրված խախտումները սահմանված ժամկետում չդադարեցնելուն կամ չչտկելուն կամ որոշմամբ նախատեսված պայմանները, պարտավորությունները կամ հանձնարարությունները սահմանված ժամկետում չկատարելուն:

Մեթոդաբանության 27-րդ կետի համաձայն՝ չորրորդ խումբ իրավախախտումների դեպքում տուգանքի բազային գումարը Մեթոդաբանության 11-րդ կետի 4-րդ ենթակետի «ա», «բ», «գ», «դ» պարբերություններում նախատեսված իրավախախտումների համար հավասար է 2 000 000 ՀՀ դրամի: Հետևաբար տվյալ իրավախախտման համար տուգանքի բազային գումարը կազմում է 2 000 000 ՀՀ դրամ:

**Պատասխանատվությունը ծանրացնող և մեղմացնող հանգամանքներ.**

Մեթոդաբանության 43-րդ կետի համաձայն՝ Հանձնաժողովը դիտարկում է ծանրացնող և մեղմացնող հանգամանքները և վարչական ակտում արտացոլում միայն այն հանգամանքները, որոնք հաստատվել են համապատասխան վարույթի ընթացքում:

Մեթոդաբանության 44-րդ կետի համաձայն՝ մեղմացնող հանգամանքի առկայության ապացուցման բեռը կրում է վարույթով պատասխանողը:

Մեթոդաբանության 29-44-րդ կետերով սահմանված են պատասխանատվությունը ծանրացնող և մեղմացնող հանգամանքները, ինչպես նաև սահմանված են բազային գումարից ծանրացնող և մեղմացնող հանգամանքների հաշվարկման դրույքաչափերը:

Սույն գործով պատասխանատվությունը ծանրացնող հանգամանք է.

**իրավախախտման կրկնակիությունը.** Հանձնաժողովի անբողոքարկելի դարձած թիվ 101-Ա որոշմամբ Ընկերության կողմից 2022 թվականի սեպտեմբերի 28-ի «Նատուռալ Ֆուդս» սահմանափակ պատասխանատվությամբ ընկերության նկատմամբ պատասխանատվության միջոց կիրառելու մասին թիվ 349-Ա որոշման 3-րդ կետի 1-ին ենթակետով տրված հանձնարարությունը չկատարելը որակվել է որպես Օրենքի խախտում, որի համար Ընկերության նկատմամբ նշանակել 2 500 000 (երկու միլիոն հինգ հարյուր հազար) ՀՀ դրամի չափով տուգանք:

Սույն գործով Հանձնաժողովի կողմից որպես մեղմացնող որևէ հանգամանք չի հայտնաբերվել և չի հաստատվել:

Այսպիսով, ծանրացնող հանգամանքների դրույքաչափերի հանրագումարը կազմում է 25%, իսկ մեղմացնող հանգամանքների դրույքաչափը՝ 0%:

**Տուգանքի հաշվարկը.**

Վերոշարադրյալից հետևում է, որ տուգանքի չափը կազմում է 2 500 000 (երկու միլիոն հինգ հարյուր հազար) ՀՀ դրամ՝ համաձայն հետևյալ հաշվարկի.

$$S = P + P \times (\sigma - U) = 2\,000\,000 + 2\,000\,000 \times (25\% - 0\%) = 2\,500\,000 \text{ ՀՀ դրամ:}$$

Այսպիսով, վերոնշյալ հանգամանքների համադրության արդյունքում և հիմք ընդունելով թիվ 395-Ն որոշումը Հանձնաժողովն արձանագրում է, որ Հանձնաժողովի կողմից արձանագրված իրավախախտումը չվերացնելու համար Ընկերության նկատմամբ

անհրաժեշտ է նշանակել՝ 2 500 000 (երկու միլիոն հինգ հարյուր հազար) ՀՀ դրամի չափով տուգանք:

**3) Ընկերությանը հանձնարարություն տալու հարցի կապակցությամբ.**

Օրենքի 37-րդ հոդվածի 1-ին մասի 3-րդ կետի համաձայն՝ Հանձնաժողովը (...) սույն օրենքը խախտելու համար տնտեսավարող սուբյեկտներին, պետական մարմիններին և նրանց պաշտոնատար անձանց ենթարկում է պատասխանատվության՝ հանձնարարելով իր սահմանած ժամկետում շտկել խախտումը և հետագայում բացառել այն:

Տվյալ պարագայում Հանձնաժողովի կողմից արձանագրվել է, որ Ընկերության կողմից թիվ 101-Ա որոշման 3-րդ կետի 1-ին ենթակետով տրված հանձնարարությունը չի կատարվել, այն է՝ չի դադարեցնել բոլոր եղանակներով «ԳՐՏՆԱԿ» բառը պարունակող ապրանքային նշանի օգտագործումը, իսկ Վարույթի շրջանակներում «ԳՐՏՆԱԿ» բառը պարունակող ապրանքային նշանի օգտագործումը դադարեցնելու մասին տվյալներ առկա չեն:

Հաշվի առնելով վերոգրյալը՝ Հանձնաժողովը գտնում է, որ անհրաժեշտ է Ընկերությանը հանձնարարել 5 (հինգ) աշխատանքային օրվա ընթացքում շտկել Օրենքի խախտումը՝ դադարեցնել բոլոր եղանակներով «ԳՐՏՆԱԿ» բառը պարունակող ապրանքային նշանի օգտագործումը:

**7. Եզրափակիչ մաս.**

Հիմք ընդունելով վերոգրյալը և ղեկավարվելով Օրենքի 37-րդ հոդվածի 1-ին մասի 3-րդ կետով, 67-րդ հոդվածի 2-րդ մասով, 100-րդ հոդվածի 2-րդ մասով, 101-րդ հոդվածի 1-ին, 2-րդ մասերով, «Վարչարարության հիմունքների և վարչական վարույթի մասին» օրենքի 70-րդ, 71-րդ հոդվածներով և ՀՀ վարչական դատավարության օրենսգրքի 72-րդ հոդվածի 1-ին մասի 1-ին կետով՝ Հանձնաժողովը

**Ո Ր Ո Շ Ե Ց**

1. «Նատուռալ ֆուդս» սահմանափակ պատասխանատվությամբ ընկերության կողմից 2023 թվականի փետրվարի 28-ի «Նատուռալ ֆուդս» սահմանափակ պատասխանատվությամբ ընկերության նկատմամբ պատասխանատվության միջոց կիրառելու մասին թիվ 101-Ա որոշման 3-րդ կետի 1-ին ենթակետով տրված հանձնարարությունը չկատարելը որակել որպես Օրենքի խախտում (այսուհետ՝ **Օրենքի խախտում**):

2. Օրենքի խախտման համար «Նատուռալ ֆուդս» սահմանափակ պատասխանատվությամբ ընկերության նկատմամբ նշանակել 2 500 000 (երկու միլիոն հինգ հարյուր հազար) ՀՀ դրամի չափով տուգանք:

3. «Նատուռալ ֆուդս» սահմանափակ պատասխանատվությամբ ընկերությանը հանձնարարել.

1) 5 (հինգ) աշխատանքային օրվա ընթացքում շտկել Օրենքի խախտումը՝ դադարեցնել բոլոր եղանակներով «ԳՐՏՆԱԿ» բառը պարունակող ապրանքային նշանի օգտագործումը.

2) սույն կետի 1-ին ենթակետով նախատեսված հանձնարարությունը կատարելուց հետո այդ մասին երեք աշխատանքային օրվա ընթացքում տեղեկացնել Մրցակցության պաշտպանության հանձնաժողովին՝ ներկայացնելով հիմնավորող ապացույցներ:

4. Սույն որոշումն ուժի մեջ է մտնում դրա պատճենը «Նատուռալ ֆուդս» սահմանափակ պատասխանատվությամբ ընկերությանը հանձնելուն հաջորդող օրվանից:

5. Սույն որոշման 2-րդ կետը դրանով նշանակված տուգանքը մինչև սույն որոշման անբողոքարկելի դառնալը չվճարվելու, իսկ 3-րդ կետի 1-ին ենթակետով տրված հանձնարարությունը սահմանված ժամկետում կամուրջին չկատարվելու դեպքում ենթակա է հարկադիր կատարման՝ «Դատական ակտերի հարկադիր կատարման մասին» օրենքով սահմանված կարգով:

6. Սույն որոշումը կարող է բողոքարկվել վարչական կամ դատական կարգով՝ ուժի մեջ մտնելու օրվանից երկամսյա ժամկետում:

7. Սույն որոշման բողոքարկումը չի կասեցնում դրա գործողությունը կամ կատարումը:

ՆԱԽԱԳԱՀ

2023 թ. հունիսի 6  
Երևան



Գ. ԳԵՎՈՐԳՅԱՆ

